

π h
1052



BIBLIOTHECA
POMERANICA



145.35
Neuer Prophet.

II h
1052

Warhafftige Zeitung von
eines alten Zimmermans Sohne / wie derselbe
gestorben vnd wider lebendig worden / vnd was
er Prophecey / vnd wie er seine Prophe-
cey mit grossen Wunderzeichen
bestetiget / etc.



Gedruckt im Jahr Christi / 1593.

BIBLIOTHECA
PONICKAVIANA

UNIVERSITÄT
MAGDEBURG

Nder Bethlehemitische Kreuze war
einer / der kunte arbeiten wie ein Zim-
mermā / der hatte gar ein Gottsfürch-
tig / keusch / rein / züchtig Weib. Von
derselben seiner vortraweten wurde im ober alle
zuuerzcht wunderlicher weise ein Son geboren.
Da kam reich vnd arm zugelauffen / das sie diß
Kind sehen möchten / vnd als sie es sahen / erzeig-
tensie ihme alle ehre vnd gutes. Aber weil der
Herr im Lande hörete / das man von diesem Kin-
de sagte / welchs ihme nicht gefiele / darumb wol-
te ers ermorden / Aber er kondte es nicht antref-
fen / denn seine Mutter zohe weg vnd verstackt
sich mit ihrem Sohne. Als er nun ein wenig er-
wachsen war / ließ er sich selzam ahn / zohe ober
alle im Lande herum / fing an zu lehren vnd zu
Predigē / das sich jederman ober in verwunderte.
Eins mals kam ein ander zu ime / der hatte eine
Kamels Haut an / vnd war mit einem Federn
gürtel begürtet / der weisete mit Fingern auff in /
vnd sagte wunder ding von ihme / welchs ihrer
viere

Viere in ein gros Buch geschrieben. Aber der die-
sen Propheten dem Volcke erstmals weisete / dem
wurde bald hernach der Kopff abgehawen / vnd
in eine Schüssel zu einem schaw essen gelegt vnd
fürgetragen. Man sagt / das der Prophet densel-
ben hab lassen begraben / vnd gemacht / das beim
Grabe grosse Wunder geschehen. Insonderheit
sollen in derselben ganzen jegendt alle Schlan-
gen dauon geflohen / vnd nicht eine einige mehr
zu finden sein / da er begraben liegt. Der Pro-
phet sol auch gemacht haben / das die / welche sei-
nen enthaupten Diener vmbß leben gebracht
hatte / vsm gebrochenen Eise ins Wasser gefallen
ist / vnd darinne erfroren / das ihr das Eiss oben
aus den Kopff weg geschnitten hat.

Denn wiewol der Prophet von armen Eltern
geboren war / so ernerete er doch viel Diener / spei-
sete auch bißweilen andere Leute. Wenn er nicht
Geld hatte / so schickte er ans Wasser / vnd ließ ei-
nen Fisch beim Schwanze heraus ziehen / das
Maul auffperren / vnd Geld zu seiner notturfft

A ij

heraus

heraus nemen. Man weiß nicht eigentlich zusa-
gen/wo er seinen Vater vnd Mutter gelassen ha-
be/denn er wolte nicht bey jnen/wie auch bey sei-
nen Brüdern nicht bleiben. Drumb zohe er in
andere Lande vmbher/ kam in Städte / Flecken
vnd Dörffer/da lies er sich so gewaltig an / das
ihn jederman preisete. Insonderheit vermanete
er die Leute zur Busse/ diese fürnemlich so in lan-
gen Schaubē/ in Füchs vnd Wolffspelzen rein
gehen. Er straffte mit namen alle Sünde vnd
Schande/nante auch etliche welche solchs thetē/
vnd schalte sie vnd die Städte hefftig/Sagte wie
sie Gott greulich straffen würde / mit Hunger/
teure zeit/Pestilenz/Krieg/vnd Blutuergiessen/
auch mit ewigen hellischen Feuer/wenn sie nicht
würden frömmen werden.

Diese seine Prophecey bestettigte er mit vielen
grossen wunderzeichen. Denn vnter andern Zei-
chen die er thet/machte er auch drey todten wider
lebendig/derselben einer ist zu einem Bischoff er-
welet wordē. Er heilete auch allerley seuchen vnd
francz

francckheiten / die sonst kein Mensch heilen kan.
Er konte auch machen das Feuer vom Himmel
fiele / wenn er's thun wolte / Aber den Heuchlern
zugefallē wolte er nicht wunderzeichen thun. Er
schmisse sie mit einer Peizschen ober die Köpffe /
das sie alle entlauffen musten. Er weifete den
Teuffel auch also von sich abe / das er sich nicht
mehr an in machte / denn sie kanten in / vnd wu-
sten wol war er were. Es war ime vmb zwey oder
drey wort zuthun / so verbannete er die Teuffel in
die garstigen Säwen / darob sie wol zeter ober in
schrien. Solchs alles bedünckte die Leut selzam
ding sein / denn sie hatten solche wunder noch nie
gesehen / Dennoch wolten sie den Propheten mit
Steinen zu todte werffen. Aber er kundte sich vn-
sichtig machen / das sie in nicht sagen / ob er noch
da / oder weg were. Einsmals wurde er aus-
gefundschaft vnd verrathen / wo er anzutreffen
were / da ergriffen sie in in einen garten / schlugen
vnd stachen in mit spizigen eisen tödliche wun-
den / daran er starb auff einem Holze. Aber es

Kam ein guter frommer Man / der nam des Pro-
pheten Leichnam vnd begrub in. Nach wenig ta-
gen sahe man in wider lebendig in der Stadt ge-
hen / vnd bey seinen Dienern von einem gebrate-
nen Fische vnd anders mehr essen. Aber er mach-
te sich abermal vnsichtig / das sie in damals nicht
mehr sahen. Doch kam er sonst offte zu inen / vnd
ging mit inen auff einē Berg / da sing sein Ange-
sichte zu leuchten wie die Sonne / vnd sein Kleid
wurde weis als ein Liecht. Man sahe auch zwene
Männer bey ihme stehen / vnd mit im reden / wel-
che Männer man kante / vnd wuste / das sie vor
langer zeit gestorben waren. In der Luft hörte
man eine Stimme sagen / das dieser Prophet ein
lieber Man Gottes were. Seine Diener fielen
drüber zu boden vnd erschracken. Aber der Pro-
phet trat hinzu / richtet sie wider auff / vnd tröstet
sie. Als sie nun wider auffstunden / waren die 2.
Männer verschwunden / vnd sie stunden mit dem
Propheten alleine auff dem Berge / welcher bald
hernach das Galette mit ihnen hielte / vnd sie ge-
segnet /

segnet/ vnd in dem er mit inen redete / wurde
in einem dickē Nebel hinweg gezucket / das man
ihn biß auff diese stunde nicht mehr gesehen hat.
Aber seine Diener seind noch hin vnd her in Lan-
den vnd Städten/ da schreien sie ohne vnterlaß
ober die böse Welt / vnd vermahnē zur Busse.
Denn sie sagen für eine ganze Warheit/ der Pros-
phet werde wider kommen / vnd sich mit schrecken
sehen vnd hören lassen. Wenn aber solchs ge-
schehen werde / dauon hat er nichts gewisses ge-
weissaget: Gott weis es am besten / wenn er wi-
der kommen wird.

Diese ware Geschicht ist im selben Lande ganz rüchtbar
vnd fast in der ganken Welt bekandt/ das nie-
mands dran zweiffeln darff.



247/1052

42

[Faint, illegible text, likely bleed-through from the reverse side of the page]

247



Pou Tlh 1052, Qk

ULB Halle
001 949 764

3





Inches 1 2 3 4 5 6 7 8
Centimetres 1 2 3 4 5 6 7 8

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

BIBLIOTHECA
PONICKAVIANA

Gedruckt im Jahr Christi / 1593.



245.35
Newer Prophet.
Warhafftige Zeitung von
eines alten Zimmermans Sohne / wie derselbe
gestorben vnd wider lebendig worden / vnd was
er Propheceyet / vnd wie er seine Prophe-
cey mit grossen Wunderzeichen
bestetiget / etc.

II h
1052